

籌辦夷務始末

籌辦夷務始末卷之六十三

咸豐十年庚申八月己巳大學士瑞麟光祿寺卿勝保奏  
竊等於本日辰刻在八里橋迤南策應前敵適值逆夷  
由郭家墳一帶分三股撲向北僧格林沁親督馬隊與賊  
接仗等瑞麟等勝保恐馬隊為時已久或有疏虞等瑞麟  
督隊迎其東股等勝保督隊迎其南股該夷蜂擁而來勢  
甚兇猛其西路一股皆為馬隊官兵壓擊始而獲勝繼而  
退撤我步隊官兵與之鏖戰相持兩時之久不分勝負等  
親督擡槍隊向前策應各兵人人奮勇連環轟擊斃賊不  
少正在喫緊之間等勝保左頰右巖受礮子傷二處登時

落馬不省人事。遂為各弁兵扶至陣後。李瑞麟猶復督隊力戰。無如各弁兵見李勝保受傷。人無鬪志。紛紛退撤。其時鏖戰已久。鉛丸火藥俱已用完。又兼賊由河南逕向西趨。李瑞麟不得不撤隊回守八里橋。以觀賊之動靜。詎逆夷遂撲八里橋。李瑞麟即將存營槍礮奮力轟擊。賊逆全股西趨。彼時各路官兵紛紛逃散。李瑞麟伏思賊既西趨。恐由于家衛直撲廣渠門大道。李勝保身受重傷。勢難在營調養。仰懇

天恩。賞假十五日。俾李勝保得以回京安心調養。至李勝保與李瑞麟相商。此時嚴守都城為第一要著。李瑞麟可否進城。

布置防守。抑或來圍。面陳一切。伏候

訓示遵行。

硃批。知道了。勝保著賞假調理。瑞麟著毋庸來圍。即在城外督率  
伊勒東阿等接應。並會同僧格林沁截擊。

兵部尚書沈兆霖奏。竊夷人自八年抵津後。疊次搆擊。至  
本年七月。竟由天津內犯。大言恐嚇。要求無已。

皇上明降諭旨。歷數數年來夷人罪狀。大申

天討。中外臣民。同聲稱快。惟夷眾雖不滿萬餘。而火器勝於中國。  
能及遠。而有準。然臨陣者。果能奮勇無前。毫無畏蒞。即有  
所傷。而以我之眾。來彼之寡。亦不難於殲滅。惟現在火器

難禦之成見。先入而為之主。則氣已稍挫。僅毫無把握。輕於一試。設一撓敗。必至不能復振。故臣以為當今之計。宜以緩攻堅持為主。先

飭直隸總督恆福。並督辦民團之焦祐瀛。張之萬。以督標之兵。本地之勇。擾其海口之船。再

命天津府知府石贊清。與焦祐瀛。張之萬。協辦圍練。石贊清。膽識兼備。久得民心。圍練必能奏效。或殺其酋。或焚其船。使之兼顧海口。不能驟進。即進亦必留勁卒守船。此所謂攻其所必救也。僧格林沁。八里橋之兵。及瑞麟。勝保。統帶各隊。須相隔前後一二十里。分作三處紮開。使緊相呼應。互相

救援。以為犄角之勢。皆宜深溝高壘。勿輕與戰。嚴為之備。使敵至不能驟拔。若奉調合路之兵。陸續而來。亦飭令分擇要地紮住。俾由潞至津。處處均能聯絡接應。而深林隈隱之處。又多設旌旗鼓角。使之動生疑畏。正兵厚集其勢。持重養成。而以奇兵乘其敝。復以疑兵惑其心。彼種種牽掣。必將徘徊而不敢進。於是密拏奸細。以防其叵測。嚴斷接濟。以絕其餉源。與之相持一月有餘。而朔風大作。海河將冰。其所帶之餉。亦將罄盡。自必急圖遁歸矣。臣又聞夷人所倚為謀主者。惟吧嘎噠一人。前此擄去葉名琛。亦係此人之計。餘如喇嘛哈。噶囉等。皆不能畫策。今吧嘎噠業

已就擒敵已失其所恃。必將設法索回據

國法言之。自應即予誅磔。何煩再計。然敵之勢。本利在連戰。若即行誅戮。恐憤兵深入。其勢益銳。莫若暫且牢固監禁。有照會與彼。即告以夷兵前進。先斬此人。使之擊望生還。而不敢輕進。銳舉。僕彼詭言放回此人。即便受撫。務祈

皇上獨伸乾斷。勿為浮議所惑。切勿先放。總須令其兵船全數退出海口。悉照八年所定各款。立定和約。一款不增。然後允于

加恩釋放。仍不准原船帶回。改由陸路押解上海交還。方為穩妥。否則該夷素以和議誘我。一為所誘。此人回去。仇我必甚。

其設計必更毒於前矣。

詹事府詹事殷兆鏞奏。竊聞夷匪火器甚為猛烈。臣考諸載籍。訪諸曾經行陣之人。擬一破之之法。以備

採擇。謹奏。

皇朝經世文。兵政守城篇云。防堞之法。溼氈絮而懸之。以蔽矢而制火。蓋柔能克剛也。今令軍中多採買舊絮被。愈舊愈妙。以水濡透。橫張為蔽。上下貫以粗索。兩旁縛以竹竿。竿末嵌小鐵刃。可插諸地。上端之索。繫繫竿首。下端之索。繫於竿者。令長數尺。可收可放。以防敵人鉤竿。每一被用兩兵張之。各帶長腰刀。馬步各隊隨其後。遇夷匪則棉被軍當。



先○前○層○蹲○次○層○立○將○全○軍○遮○住○酌○留○空○隙○為○瞭○視○與○放○火○  
之○地○布○陣○既○定○任○敵○人○多○方○衝○突○我○軍○屹○立○不○動○俟○敵○稍○  
懈○則○棉○被○軍○疾○馳○前○逼○彼○火○器○刀○矛○都○無○所○施○我○軍○將○棉○  
被○插○立○地○上○一○人○守○被○一○人○持○刀○斫○馬○足○我○馬○隊○突○進○槍○  
箭○齊○施○衝○敵○步○隊○刀○矛○手○繼○之○兼○斫○敵○人○馬○步○隊○僅○敵○人○  
收○去○數○百○步○外○忽○然○立○住○我○仍○將○馬○步○各○隊○收○入○棉○被○軍○  
陣○中○緩○緩○逼○進○敵○陣○雖○堅○料○難○支○矣○再○炸○破○落○地○時○不○能○  
即○時○炸○開○可○亟○以○溼○棉○被○蓋○之○總○以○多○備○為○妙○擬○請○

飭下各路統兵大臣參酌施行。

刑部奏竊臣部於本月初四五等日收禁解到夷匪九名。

內吧頃唯一名。收禁北監第三所。緣該夷係夷首要犯。飭令官人嚴加防範。並飭提牢廳早晚飲食。均令其適意。不可稍加陵辱。詎該夷自收禁以後。桀驁不馴。驕悍成性。輒敢在監與官人等生氣。不肯飲食。於初六日晚間。忽患腹痛之疾。即起緊急。飭傳官醫生診脈用藥。伊並不令診視。亦不肯服藥。現將該夷安置另住房間。以免眾囚犯與之答話滋事。並加意開導。始食米粥如常。臣等查該夷首在粵多年。曾讀漢書。能通官話。自言係喇囉哈幫解之人。是其一切詭謀。均係該夷善畫。查其情形。極為兇狡。與尋常夷酋不同。是該夷酋關係甚屬緊要。必須病勢全愈。扣留監

禁萬不可令其生還。愈圖報復。貽害益深。亦不可令其速爾病斃。得稽顯戮。轉使夷人藉口。所有該夷負氣。據提字稟報。調治情形。謹恭摺具奏。

庚午。

諭內閣。留京辦事王大臣著派豫親王義道。大學士桂良。協辦大學士戶部尚書周祖培。吏部尚書全慶。義道全慶著仍在禁城。周祖培仍在外城。桂良著仍在城外。

辛未。

欽差大臣恭親王。大學士桂良。戶部左侍郎文祥奏。竊臣等於本月初九日。接據暎哖兩夷照會。文稱欲令放回該兩國業

已就擒之夷人。並稱未回之先。斷不能咨會兩軍。暫息干戈。實不便遽議和局。並有寄諭吧麥兩酋之信。求為轉致各等語。查吧嘎噶。雖非渠魁。罪同首逆。又係該夷畫策之人。幸就擒獲。豈可遽令生還。且前次所獲之逆夷。係巡防王大臣分交各州縣看押。臣等一時亦難查知。麥酋在何處監禁。况該夷狡猾性成。動施伎倆。即使放回吧首等。未必即能罷兵。不過益增其梟悍之心。臣等公擬先行照會該夷。令將兵隊退出大沽海口。始允送還。該夷能否聽命。實難逆料。謹將辦理情形。先行奏

聞。所有該夷照會。及臣等給與照覆。一併恭錄呈

覽。

硃批覽奏均悉。以後情形貴難逆料。亦不便遙為指示。只有相機而行。

恭親王等又奏。昨日

皇上啟鑒後。人心惶惑。鋪商歇業。甚或匪徒乘閒搶劫財物。臣等恐滋事端。當即出示曉諭。如有匪徒搶劫財物者。准該鋪戶格殺無論。僅有軍民搶劫者。准其該鋪戶扭稟送官。立即斬首示衆。自出示後。人心始行稍定。嗣後如何另立章程之處。應咨行步軍統領衙門。妥為辦理。

硃批知道了。

恭親王等又奏。臣等因現在軍情萬分喫緊。擬令逆酋吧  
嘎噠致信額首。暫息兵戈。以圖轉圜。是以密派武備院卿  
恆祺於本月初八日親赴刑部面詢。吧嘎噠再三開導。該  
首仍行岌強。總以被獲上刑為辱。恆祺即告以兩國開仗。  
既經被獲。即係敵人。自應按照中國律例。加以刑具。此時  
爾國如肯罷兵。中國自應加以優待。斷無仍行羈禁之禮。  
該首答以既欲講和。不妨照會該國大臣商議辦理。恆祺  
復諭此係向例辦法。然爾既在都京。自應附以親筆信函。  
寄知爾國。方昭實心和好之意。該夷始則猶疑。繼而允許。  
令其書寫信函。時該首仍欲繕寫夷字。斷不肯改用漢文。

恒祺因夷字無從辨認恐有疏虞是以未便辦理合併陳

明。

硃批看此光景不如早為處死。

諭軍機大臣等。等諭科爾沁親王僧格林沁。大學士瑞麟。朕於八月初八日啟鑾。巡幸木蘭。本日已駐要亭行宮。所有前調西安馬隊。昨據烏蘭都奏報。行抵保定。現在計已全到大營。此項馬隊。即著該大臣等。飭令烏蘭都帶領全隊。迅赴熱河護駕。毋得遲延。據恭親王等奏報。夷務情形。業已諭令相機辦理。第該夷衆驚異常。撫局恐不可恃。著該大臣等。激勵軍心。力圖勦辦。不得任令攻撲城池。是為至要。途中並無探報。嗣後如何情形。務

須隨時奏報以慰朕懷。

給暎咭喇佛喃晒照覆。

為照覆事。頃接貴大臣來文。欲令貴國尚未回營之員弁。剋日回營。不便耽擱等語。查貴國員弁前在通州與前

欽差大臣怡親王等面議八條均已允准。諒貴大臣亦已心悅。惟親遞國書一節尚未議妥。乃貴國員弁負氣而走。路遇兵隊以致接仗沖散。間有被獲。並非我國不敦和好。現在該員弁等在京。我國並未加害。惟和議尚未定局。斷難即行放回。現在津郡及大沽砲臺均被貴國占踞。未經退出。所有沖散貴國數人。何必慮及。如果兩國和好。肯息兵戈。將



兵船退出大沽海口。我國將所求各款商定後。再將該員弁等查明放回。以全和好。至貴大臣寄與貴國官員信函。現因干戈未息。礙難轉致。一俟罷兵後。即行送交可也。須至照覆者。

士申。光祿寺卿勝保奏。竊等自初七日臨陣中傷。蒙

恩賞假調治。雖身依牀褥。而恨賊填膺。焦急籌思。臨卧奮起。現在逆夷已逼都城。每門守卒。必需築有一人。方昭嚴密。其城守之具。如播木礮石。灰瓶。及噴筒火彈等物。皆必需之具。若不及此。設法布置。萬一啟關犯順。何以禦之。其應如何豫備安排。及巡警稽查瞭望值宿等事。雖已派人料理。然

尚須慎益加慎。刻刻隄防。則聲勢固而人心定。亦使賊有所顧忌。至外城三門之內。煙戶數百萬家。朝士宅寓半在其內。前已按段解圍。若即飭令按圍抽丁固守。亦可助守兵之不足。若僅閉絕往來。仍恐自生變亂。豈以為賊鋒雖銳。事勢雖危。然。

國朝養士二百餘年。深仁厚澤。固結人心。祇須固守旬餘。近幾勤王之師。全集於

都下。僕不嚴密設防。必至人無固志。又或募民奸細。從而生心。城垣雖高。豈復為

國家所有。惟用兵之道。全貴以長擊短。豈身臨戰陣。親見逆

夷利害。專以火器見長。除此而外。實不及專捨匪徒之兇  
勢。且其人。駭足。崛強。未能靈便。騎馬亦未能利捷。乘其短  
而攻之。方可取勝。如蒙古蕃騎。及京營禁旅。初經行陣。紀  
律未嫻。卽亦專用火器。不能奮身擊刺。故一遇逆夷槍礮  
太密。往往望塵而靡。若我軍能奮身撲進。兵刃相接。決勝  
於咫尺之間。賊之槍礮。近無所施。又不善撲擊。非斬則捨。  
必成大捷。此非用川楚勇不可。昨日督兵進戰。惟

圖明圍掩槍兵丁。尚稱勇敢。施放亦能聯絡。其餘卽已避一  
萬。若能假李川楚健勇數千。督之。如昨日慶戰兩時之  
久。俯身孫進。與賊相持。口砍矛刺。直進橫衝。卽不能殺盡。

逆夷亦必大加懲創無如近

畿處所皆無此項勇丁。刻下勢若燎原。亟需早為徵調。方今聖明宵旰憂勤。必能仰邀

天鑒。迅靖夷氛。然設竟相持不下。遲暫亦難預定。因思督歷年督師豫皖。所有川楚健勇。及管帶將弁。均不乏得力之人。如現在皖營之總兵張得勝。楚軍之總兵鮑超。其所部皆川楚健兒。驍悍善戰。及豫營升任副將黃得魁。游擊趙喜義。並督辦任內。新募南陽彝勇。與各起川楚勇。均能得力。又如苗沛霖之練丁。亦皆百戰之餘。素稱勇敢。若及此征召。令其星夜前來。為時不過兼旬。必可後先齊集。果其時

逆夷已知驚化。仍可將各勇遣還原伍。如尚圍狡逆。即可痛予殲誅。與其事急而求。誠不如早為之計。相應請

旨。敕下官文。胡林甚。袁甲三。飭令鮑超。張得勝。各選川楚精勇二  
三千名。

敕下慶廉。即飭升用副將黃得魁。游擊趙喜義。於新募彝勇。及各  
起川楚勇中。挑選得力者若干名。並

命傅振邦。翁同書。飭令苗沛霖。遴選練丁數千。派委員管帶。即行  
起程。不准片刻羈滯。並各該員等。剋日赴京。以解危急。在  
各該省營員尚多。即軍務方殷。亦不至稍形缺乏。應請

旨。嚴飭各督撫大臣等。不得以勦辦緊要為詞。藉端違抗。

君父之難。奔救不遑。如以他事故違。卽非我。

大清臣子。竊料。

詔命一頒。必能雲集響應。肅清醜類。重奠。

京師。擊卽疾痛在身。但能勉強支持。可以冒風。卽當出而報效。此時以擊愚見。先將城守一切布置停妥。堅待外援。必須經理於未然。乃能收效於臨事。章程既立。賞罰既明。軍聲自雄。人心自壯。逆夷見我防守甚嚴。不旋踵而外援大至。必不敢日久頓兵城下矣。伏候。

皇上聖鑒訓示。

諭軍機大臣等。本日勝保奏。夷氛逼近闕下。請飛召外援以資夾。

擊一摺。據稱用兵之道。全貴以長擊短。逆夷專以火器見長。若我軍能奮身撲進。兵刃相接。賊之槍礮。近無所施。必成大捷。蒙古京營兵丁。不能奮身擊賊。惟川楚健勇。能俯身猛進。與賊相搏。逆夷定可大受懲創。請敕下袁甲三等。各於川楚勇中。挑選得力若干名。派員管帶。卽行起程。尅日赴京。以解危急等語。逆夷犯順。奪我大沽礮臺。占踞天津。撫議未成。現已帶兵至通州以西。距京咫尺。僧格林沁等。兵屢次失利。都城戒嚴。情形萬分危急。現在軍營川楚各勇。均甚得力。著曾國藩。袁甲三等。各選川楚精勇二三千名。卽令起程。張得勝。管帶。並著慶廉。於蘇勇。及各起川楚勇中。挑選得力者數千名。卽派副將黃得魁。游擊趙

喜我管帶安徽苗練向稱勇敢著翁同書傳振邦飭令苗沛霖  
遴選練丁數千名派委委員管帶均著兼程前進剋日赴京交  
勝保調遣勿得藉詞延宕坐視君國之急惟有殷盼大兵雲集  
迅掃逆氛同膺懋賞是為至要。

又

諭本日據勝保奏長氛逼近請飛召外援一摺已有旨諭令曾國  
藩等迅挑川楚等勇派員管帶剋日赴京矣文祥接奉此旨即  
著軍機章京繕寫分寄各省毋得遲延勝保所陳城守各事宜  
並著該大臣傳知守城王大臣查照辦理外省摺報數日未到  
即著兵部接收以次遞至行在並傳捷報處司員前來聽差現



在軍機章京均尚未到。所有摺件發交文祥。卽令該章京等鈔錄存案。原摺發還各省。迅傳該章京等兼程前來。毋得玩視公事。致干重咎。是為至要。

癸酉

欽差大臣科爾沁親王僧格林沁大學士瑞麟奏。本月十一日奉准軍機大臣密寄。八月初十日奉

上諭。所有前調西安馬隊。著該大臣等飭令烏蘭都帶領。迅赴熱河護駕。毋得遲延。據恭親王等奏報。夷務情形。第該夷桀驁異常。撫局恐不可恃。著該大臣等仍激勵軍心。力圖勦辦。不得任令攻撲城池等因。欽此。等語。卽飭烏蘭都帶領全隊。迅赴

熱河以資護衛。至督僧格林沁所帶官兵由海口轉戰至通。屢次挫失。已難復振。初七日。八里橋一帶鏖戰。兩時之久。傷亡過半。兵心益怯。迎頭截擊。恐不足恃。初七日以後。該夷探馬各處哨探。大隊並未前進。仍在三間房咸戶莊。于家衛等處盤踞。恭親王授為

欽差大臣。曾經辦給照會。該夷照覆。專在索要吧嘎哩等續。又辦給照會。該夷並未照覆。其兩次照會均係督僧格林沁派弁送往。該夷與差弁議論。則稱兩國相爭。不害來使。吧嘎哩係傳話之人。現被拘留。不知存亡。佛國通事愛姓欲輕騎進城。與恭親王會晤。惟心懷疑慮。須有確據。方肯進城。

等語。督僧格林沁已令差弁向恭親王等詳細回明。至前  
獲吧噶噶等可否

飭下恭親王等加以恩禮。妥為看待。以免該夷將來播弄是非。現  
在勢處兩難。若將該夷正法。是激羣夷之怒。堅其攻城之  
心。若將該夷放回。其患更不堪設想。為今之計。仍應妥為  
看待。以為轉圜地步。至撫局宜迅速辦理。不可稽延。現在  
恆祺、藍蔚、雯等並未出京。即使該夷有心就撫。亦無由轉  
機。初六日督僧格林沁因事機萬難。怡親王等已經回京。  
辦理撫局無人。是以辦給該夷照會。通州知州並未送往。  
已於初七日派弁取回。現在

京師守城。等僧格林沁派員查得大礮並未上城。所有安設礮位恐不足恃。等所帶礮位亦一併送回守城。近日京城百物騰貴。住戶紛紛逃避。城外土匪四起。隨處搶劫。人心大為搖動。該夷數日不動。自必另有詭謀。若該夷結隊前進。等所帶官兵雖不能迎頭截擊。擬卽兜後攻擊。儘該夷撲竄他處。惟有督兵橫截。至古北口。雖係要隘。並無礮火。等僧格林沁已飭令副將烏忠阿將宣化鎮礮位迅卽運送古北口安設。以資防守。

諭軍機大臣等。本日據僧格林沁等奏。夷務情形一摺。覽奏已悉。該夷現在雖未大隊攻撲。時時窺探。遲延日久。必多詭計。撫局

自宜早定。所奏佛夷愛喜畧欲進城求見一節。已諭恭親王奕訢斟酌辦理矣。至該夷大隊如果直抵城下。僧格林沁等即督兵在後兜剿。毋令攻撲城池。僕城已攻破。萬不能支。該大臣帶兵速赴古北口。布置防守。現調三盟蒙古官兵。不日可以到口。無人管帶。著僧格林沁先派乾清門侍衛如舒明安之類酌定一二人趕赴行在。以備統帶蒙古官兵分布要隘。是為至要。

又

諭前據奕訢等奏現辦夷務情形。朕已批示相機而行矣。本日據僧格林沁等奏。佛國通事愛姓欲輕騎進城。與恭親王會晤。心懷疑慮。須有確據。方肯進城。並吧嘎噶須加以恩禮。妥為看待。

以為轉圜地步。現在恆祺、藍蔚、雲等並未前往。即使該夷有心就撫，亦無由轉機。該夷各處哨探，撫局宜迅速辦理，不可稽延。各等語。唉，嗚呼！夷自奕訢覆給照會後，並無照覆前來，相持日久。恐該夷另有詭謀。且城外土匪四起，設若為該夷勾結，尤為可慮。嗚呼！夷通事既欲求見，未必無轉圜之機。即著奕訢給與照會，擇城外適中之地，派恆祺等前往會晤，看其光景如何。斟酌辦理。現在尚議撫局，吧嘔噶自應妥為看管，僅撫局不成。該夷攻撲城池，著慶惠、綿春、奕古、賽尚阿等，悉力固守，萬一勢不可支，即將吧嘔噶提出正法。並著奕訢等先行知會慶惠等知悉。

又

諭前據恆福等奏。遵旨調集督標兵丁。並天津靜海民團。截勦該  
夷後路。諒已舉行。數日未接奏報。殊深懸系。現在該夷前隊。屯  
踞八里橋西。三間房地。逼近京畿。難保不卽圍攻。撲僧格林  
沁等。雖嚴陣以待。過其前鋒。必須另有兵勇。牽其後路。使該夷  
有所顧忌。始不至公然前進。勝保一軍。昨因挫失。不能統擊。該  
夷中路。著恆福等。仍遵前旨。迅卽調集兵勇。勒其後路。毋再遲  
延。該夷因津民衆。怒難犯。已將石贊清送回。可見該夷甚畏天  
津百姓。卽令石贊清。傳集紳民。向該夷理論。如敢撲犯京城。定  
不與之通商。以期挽回大局。石贊清素得民心。必能為國出力  
也。恆福身任封疆大吏。任令地方官。為該夷備辦車馬。送其北

行。以致震驚乘輿。問心亦當自愧。惟有急圖補救。尚可稍贖前愆。若再意存觀望。京師儻不能保。天津豈能獨存耶。前據焦祐瀛等奏。勇力尚單。亦無火器。卽不能奮勇向前。亦可大張聲勢。務須激勵紳民。節節牽制。如能令該夷大隊退回。其功當與前敵相等也。

又

諭前有旨命桑春榮會同張祥河等將順天東南兩路圍練先行舉辦。諒已實力奉行。現在夷氛逼近京城。難保不分股四擾。所有順天西北兩路均應一律舉辦。若張祥河桑春榮董醇迅飭地方官會同紳士趕緊舉行。總期協力同心。互相保衛。毋得有



名無竇。天津等處民團前已令恆福等迅即調齊。截勅該夷後路。其武清通州一帶均屬順天地方。並著張祥河等激勵民心。同仇敵愾。節節牽制。毋令該夷肆意前進。是為至要。

甲戌。直隸總督恆福奏。竊於八月初六日。在靜海縣會同焦祐瀛。張之萬。陳鴻瑛。寬惠將五等勅辦。及激勵團勇。截勅該夷。並同日兩奉寄

諭。欽遵辦理各情。先後馳奏在案。旋據署天津鎮總兵冷慶。由津遵調前來。等詢以天津鎮標。大沽協標。及海口六營各兵。丁約計共有二千餘名之數。均已分起調出。飭赴武清縣之王慶。陸續齊集。等於初七日。由靜海縣起程。當即知

照焦祐瀛等將所募團勇迅速調齊均歸焦祐瀛等統帶  
為截剿該夷後路之舉等於初八日先由王慶坨馳抵東  
安縣於初九日丑刻奉到初六日申刻會奏遵

旨激勵團勇截剿該夷一摺欽奉

硃批知道了汝等辦理機宜惟有激勵眾心以圖牽制該夷現在  
只有戰之一端等因欽此又附片一件奉

硃批是極惟尚可稍緩數日耳欽此仰見

聖謨廣運

訓示周詳當將欽奉

硃批摺件敬謹固封專弁齎交焦祐瀛等恭閱欽遵去後等伏思

該夷恃強逞悖。屢撫不從。誠如

聖諭。惟有戰之一端。庶可上伸。

天討。第戰之法。或從旁襲擊。或後路兜抄。全在熟審機宜。以期萬全無失。今趕卽飛催冷慶督同副將徐廷楷。整理隊伍。趕緊配齊軍裝器械。購備鉛彈火藥。星夜邁行。並派弁迎催飭調之省城督標官兵五百名。迅赴東安縣聚齊。不准片刻停留。惟統計所調兵力。殊形單薄。且天津鎮。大沽協。兩標兵丁。均係海口挫敗之餘。所有軍營應用各件。多有遺失。猝然整頓。恐不足以當一面。今現俟無論何項官兵到來。先行酌帶節節前進。會合前路大兵。相機截剿。冀可牽

制夷兵。藉助大軍聲勢。再行現。又續調河間協標官兵三百名。飭卽赴永清縣齊集。聽候調遣。合併陳明。

硃批知道了。

恆福又奏。正在繕摺間。承軍機大臣密寄。恭奉

上諭。等。遵卽密飭天津府知府石贊清傳諭紳士張錦文。辛榮等。遵

旨。分別籌辦去後。等。伏思該夷素性桀驁。前此稱兵海上。從未屈意求和。此次其狡愈熾。而其志愈驕。津郡人民。雖稱好義。而此時欲以眾怒難犯之語。禁喝該夷。恐亦勢有未逮。等。惟有諄飭天津府知府石贊清傳諭該紳等。遵

旨力為開導。以冀該夷。知所感悟。稍戢驕心。但據目前情形而論。夷勢方張。與其使辛榮音端勸說。未必能動該夷之心。似不若以其素恃主謀者。留為羈縻。議撫之用。等反覆思維。喚首吧嘎。最為該夷所信重。現既被擒。前此等會奏請將該首極刑處死。欽奉。

硃批。有尚可稍緩數日之。

旨。仰見。

宸謨深遠。默籌機宜。惟是欲曲寬其一死。必先責令該首。知會喇首等。夷兵全行撤退。輸誠就撫。方許予以釋回。俟該首不肯為我盡力。仍當處以極刑。以伸。

國憲。使該夷有所顧忌。又以示

天朝寬大鴻慈。或可望其知懼知恩。調停設法。未始非駕馭權宜之一計。較之僅令津郡紳民。從中挽回。似覺稍有把握。殊批。知道了。俾該夷首知懼知恩。斷無是理。

乙亥。署黑龍江將軍特普欽。齊齊哈爾副都統那敷德奏。竊等。於七月二十八日申刻。承准軍機大臣字寄。七月二十一日奉

上諭。嗾俄兩國夷人。屯聚天津。及大沽海口。肆意要求。尚未就撫。津城密通京師。自應亟籌捍衛。等因。欽此。等當即欽遵諭旨。在於齊齊哈爾。黑爾根。布特哈。呼倫貝爾。胡蘭等五城。嚴計

八旗水師營官屯驛站餘丁牲丁數目擇其年力精壯者挑足二千名。作為馬隊。並於總管佐領等官。及有軍功翎頂兵丁內。擇其伎藝優嫻者。揀派一百二十八員名。等。等。一面將省城就近官兵餘丁。先行挑備。一面飛剗各城畧副都統署城守尉總管等官。各將所屬餘丁。照數挑派。妥協。分起。趕緊催令前來。勿稍延緩。所需軍裝器械車輛馬匹口糧等項。等。等。飭令配齊。擬於八月初七日。先將省城就近各處餘丁。作為頭起。迅速起程。至各城餘丁。俟其隨到。隨卽催令趕緊起程。前進。再此次調派餘丁。應酌派大員統帶。等。等。查呼倫貝爾副都統銜總管珠爾格訥。暨現

委營總之總管三都克多爾濟。請習軍務。管轄嚴肅。現派珠爾格訥統領前起餘丁一千名。三都克多爾濟統領後起餘丁一千名。飭令嚴行管束。由法庫草地行走。星夜趕赴通州。聽候僧格林沁等調遣。再查本處並無獵戶。惟呼倫貝爾布特哈二處。向以遊牧打牲為業。馬上熟練。今將該二處牲丁餘丁。挑入所派二千數內。通作馬隊。以期迅速前進。合併聲明。

諭軍機大臣等。本日據特普欽等奏挑餘丁分為兩起。前赴通州一摺。現在夷氛逼近京城。朕於八月初八日啟鑿。巡幸木蘭。所有挑選黑龍江馬隊餘丁二千名。毋庸前赴通州。即著全赴熱



河護駕。據奏總管珠爾格訥管帶頭起餘丁一千名。已於八月初七日起程。計二十日前後。即可抵山海關。著卽飛催折赴熱河。其總管三都克多爾濟所帶後起餘丁一千名。如由草地行走。可以直達熱河。卽著毋庸進關。飭令迅速前來。以資護衛。是為至要。

護理山海關副都統和盛阿奏。竊查前以山海關馬步官兵。調赴通州軍營。已於七月二十日全數起程。後等加派官兵。在於石河口一帶。晝夜梭織巡探。茲於八月初九日午刻。據巡探防禦吉忠阿馳報。本日巳刻。由西南大洋駛來。夷船二隻。停泊老龍頭海口。距岸四里許等語。等當派

防禦達崇阿。馳騎校阿克善。馳赴海口查驗。泊船二隻。皆係夷船。移時見有夷人乘坐杉板小船。駛至海口。登岸者夷人四名。內有甯波府人盧阿春。聲稱定係大暎國夷船。由金州調赴天津。因天津無事。旋回。竟來遊玩。面相開導。隨卽回船。旋據防禦吉忠阿報稱。酉刻又有夷人五名。乘坐杉板登岸。聲稱或尋買食物。或登澄海樓遙望。俱已勸阻回船。各等情。等伏思夷人詭譎性成。驟然駛至登岸。非窺伺虛實。卽竊探路徑。亟應內外嚴兵防守。隨卽密備滿營官兵一千餘員名。餘丁二百名。團丁一百名。分防南翼城鎮城守禦。東羅城山永協副將伊克經額。帶領綠營官

兵圍勇防守。西羅城臨榆縣知縣恩泰親督山永協官兵圍勇守禦。其南莫城孤懸滿營一城。署協領順齡督率官兵防守。等督同官兵晝夜登陴守城。萬不敢稍涉大意。致誤事機。至該夷人雖云前來遊玩。難免包藏禍心。現在防守兩城。兵力實屬較單。等一面飛報

欽差大臣僧格林沁察覈外。其該夷如何定動情形。隨時再行馳奏。

和盛阿又奏。再等會同營縣督率官兵登陴守禦。統計官兵餘丁圍勇二千餘員名。實屬兵力過單。兩准吉林黑龍江將軍來文。遵

旨調派官兵。西丹獵戶三千餘員。名均於八月初四。初七等日起程。約計二十前後。可進山海關。合無仰懇

天恩。俯念咽喉重地。

諭令帶兵官。迅即兼程前進。截留山海關防勤之處。出自

鴻慈。至該官兵到關之日。應請

旨飭下直隸總督。急派糧臺委員赴關。支發口食。以重防守。等不

勝悚懼待

命之至。

諭軍機大臣等。本日據和盛阿奏。山海關海口。駛來夷船。現辦防守情形。並酌留防兵。籌畫軍需各摺片。覽奏已悉。據稱老龍頭

海口於八月初九日有夷船二隻前來停泊。難保不意圖窺伺。所調吉林黑龍江兵丁。前有旨令其全赴熱河。現在山海關兵力較單。著准其將吉林兵一千名留備防範之用。卽著派員迎提迅速前來。其黑龍江兵二千名俟進關時仍令其折回熱河。毋庸前赴通州。吉林兵未到之先。著和盛阿嚴密防守。不可大意。至官兵口分不足。難期得加。自屬實在情形。著准其援照成案。提用關稅盈餘銀兩支放。卽按官每日一錢五分。兵每日一錢之數。以示體恤。其練丁二百名口分均著由盈餘銀內支領。僅有不敷。卽著烏勒洪額捐辦。所請由直隸安設糧臺之處。已諭知恆福矣。

又

諭本日據護理山海關副都統和盛阿奏。老龍頭海口有夷船停泊。請留吉林黑龍江兵丁。以資防守。已准其截留吉林餘丁一千名。協同山海關兵丁防守。此項兵丁。約於本月二十日前。即可抵關。著恆福。即派道府大員。迅速前往。安設糧臺。支放口分。勿得遲誤。

又

諭。喫喘兩夷。攻奪大沽礮臺。占踞天津。遣桂良等前往議撫。該夷桀驁異常。屢談未成。現已帶兵越過通州。京城為之戒嚴。該署督前示。該夷志在和不在戰之語。竟未盡確。委員藍蔚雯等。亦

不能十分出加。昨已明降諭旨。命各海口閉關。絕其貿易。儻該夷悔悟。仍可通商。此時惟有令上海夷商。寄信囑喃。等令其罷兵。天朝亦必仍准通商。以示寬大。此亦釜底抽薪之一法。薛煥必能竭力挽回也。

又

諭本日據麟魁慶英奏。請飭步軍統領。仍駐城內。並令恭親王進城居住。一摺。步軍統領。掌管莞鑰。自應駐居城內。以資鎮守。文祥著准其留駐城內。會同麟魁慶英。及守城王大臣等。布置一切。遇有與恭親王奕訢等商辦之件。再行赴圍。晚間仍即進城。如有要事。不能赴圍。亦函商辦理。奕訢著仍駐圍內。無庸進城。

昨據慶廉奏。由河南解送檟槍一千桿。火繩二萬盤。鉛丸四萬出。於七月二十七八日起程。此項軍械。計當趕到。著仍令其交步軍統領衙門朝房收存。並傳知圓明園帶操章京。先行演試。以備調用。

丙子。光祿寺少卿焦祐瀛。翰林院侍講學士張之萬。山西道御史陳鴻翊。長蘆鹽政寬惠奏。竊臣等於初六日。由靜海縣前赴王慶坨。在楊柳青途次。接奉寄

諭一道。並軍機處鈔寄明發

諭旨一道。仰見我

皇上明彰捷伐。於聲罪致討之中。仍示以悔過自新之路。不獨中



外臣民咸思敵愾同仇。滅此朝食。卽逆夷聞之。亦必震懾。天威感而且懼。臣等初七日。至王慶坨。復恭請  
硃批。令臣等無恤顧忌。務期事在必成。並奉寄

諭。令津民聲言。如該夷再行北犯。必從後盡力攻剿。查逆夷逼近  
京城。其心叵測。近日探聞天津。仍有北上夷兵。並由水路搬  
運軍火糧食。楊村蒲口。安設馬槽。往來偵探。城內外仍有  
夷人出入。探聽有無圍紮。是該夷於後路防範。亦頗嚴密。  
臣等前派鄉勇五百名。在蒲口以北。楊村以南。暗中埋伏。  
無如該勇等無火器。膽氣先怯。只能伺釁而動。不敢先發  
制人。臣等睹此情形。萬分焦急。查王慶坨東北四十里。黃

花店地方距楊村僅三十里。現復派勇三百名駐劄該處。與前派之勇互相聯絡。仍令暗中設伏。總期多方以誤。使該夷首尾不能相顧。一俟僧格林沁大兵壓下。即可乘勢鼓噪。以期盡數殲除。現募滄靜勇四百餘名。業已到齊。臣等挑揀敢死之士數人。許以重賞。潛赴賊營後路。或焚其營盤。或燒其輜重。俟辦有成效。再行馳奏。

硃批覽奏已悉。既有敢死之士。著設法飭令該勇等將夷首或領事之首級。梟其一二。以寒賊膽。

丁丑。

欽差大臣恭親王、大學士桂良、戶部左侍郎文祥奏竊臣等奉

命解理夷務。數日以來。尚未開仗。一面設法議撫。一面知會城內  
巡防圍防各大臣。嚴密防守。並知會軍營相機堵禦。但城  
中人心驚惶。臣文祥極力撫綏。人心稍定。惟兵力單弱。防  
守未能周備。實不足恃。至僧格林沁及瑞麟等所帶之兵。  
已潰散十之五六。存營之兵。均無鬪志。疲餒已極。堵禦實  
難得手。臣等於初九日遣員給與嘆唏。兩國照會。至十二  
日始有照覆前來。仍申前議。且須放還被獲之夷。後在通  
州議和。進城換約。親遞國書。始行退兵天津。並有來春方  
回該國之說。詞意狂悖。至吧嘎噠。於十一日在刑部呈遞  
名片。約恆祺面說。臣等即令恆祺前往。詢其請見之意。該

夷求同時被獲之囉首同居。並云欲遣人議和。必須該首同往。免致扣留。反覆辯論。情殊狡詐。該卿將戰和兩層。透徹開導。該夷似悟非悟。未易轉圜。又據十三日軍營來信。該夷至朝陽門外列隊。我軍亦勉力支持。尚未開仗。諸事緊急。辦理實屬棘手。臣等惟有謹遵

硃諭相機而行。悉心籌畫。再給照會。總冀撫局有成。方為妥善。揆度情勢。該夷意欲索還吧嘎禮等。而吧嘎禮亦希莫放還。從此著手。或有轉機。

翰軍機大臣等。本日據恭親王奕訢等奏。辦理夷務緊急情形各摺片。並往來照會五件。覽奏具悉。該夷既有在通州議和之語。

似有轉機。恭親王等給與照會。措詞均尚得體。現在事機緊迫。間不容髮。朕亦不為遲制。即著恭親王等相機辦理。總期撫局速成。和約已換。國書已遞。朕即可及早回鑾。鎮定人心。並保全億萬生靈之命。回鑾後。不至再生枝節。方為妥善。文祥奏。勝保傷已漸愈。請將西安馬步隊。交勝保統帶等語。西安馬隊前有旨令僧格林沁。飭烏蘭都帶赴熱河。現在黑龍江馬隊二千。不日即可前來。此項西安馬隊二千三百名。即著留交勝保調遣。無庸令其前赴熱河。所有西安步隊。並著歸勝保統帶。以資攻

剿。

直隸總督恆福奏。昨在東安縣。將天津鎮標。大沽協標。

及海口六營各官兵。飭催陸續到齊後。當卽密飭署總兵  
冷慶副將徐廷楷。於鎮協兩標兵丁內。挑選奮勇隊三百  
名。遣派千總王興邦。隋登第。王永勝。把總華雲彪等。分為  
兩起管帶。均令改裝易服。密帶器械。一赴蒲口楊村一帶。  
會同焦祐瀛等。所派圍勇。設法截擊該夷。所設馬槽。並焚  
燒河內該夷船隻。一赴蔡村一帶。探明該夷存儲火藥處  
所。截奪焚燬。以圖牽制。等復諄諄面諭該弁兵等。奮勉圖  
功。自當欽遵。

諭旨。優予獎賞。如能格外奮勇。擒斬夷目。或燬其船隻火藥。奪其

輜重器械。另行奏懇。

恩施復嚴飭冷慶徐廷楷等迅將天津鎮大沽協兩標兵下整齊  
隊伍配足軍火器械於楊村河西務一帶探明該夷虛實  
何路空虛卽由何路進兵乘其不備旁擊暗襲力斷該夷  
後路接濟使其不能兼顧並知會焦祐瀛等分派團勇會  
同官兵協力襲擊去後孝以北路軍情緊急隨於十一日  
移駐大興縣屬之禮賢鎮一面嚴檄督催省標及河間協  
官兵趕緊齊集擬卽會合大兵相機前進截剿

硃批知道了。

欽差大臣漕運總督袁甲三奏臣接據穆騰阿函稱頃聞道路傳  
言夷匪已至天津正深懸系恭閱邸鈔直隸提督樂善海

口陣亡並續

上諭。以僧格林沁。辦理一切。未能周妥。拔去三眼花翎等因。是天

津喫重。傳言似非無因。查

京師為根本重地。天津又為

京師緊要門戶。當此警報連傳。凡屬臣工。均有奮激圖報之  
念。况穆騰阿。滿州世僕。渥荷

國恩。歷代擢任大員。穆騰阿。又以從事軍營。屢蒙

特簡。尤應殫竭血誠。仰酬

高厚。因思咸豐三四年間。粵逆北竄時。穆騰阿。曾與樂善同在僧

格林沁軍營。隨勒樂善為



國捐。聖僧格林沁如何辦理。外間不得而知。穆騰阿瞻依

北闕。寢饋難安。亟欲回顧海防。稍盡臣子之職。但係奉

命。幫辦安徽軍務。現在軍務未完。未敢冒昧自陳。懇請代奏等情。

前來。臣查都統穆騰阿出師多年。戰功懋著。自幫辦。臣軍

務以來。和衷共濟。尤資匡翼。現值天津喫重。臣督師全皖。

藉因藩籬。未能帶隊北趨。憂憤填胸。非可言喻。幸皖軍現

已得手。該都統尚可分身。自應馳赴北路。為先其所急之

計。理合據情代陳。如蒙

俞允。該員係現任

御前侍衛。鑲黃旗蒙古都統。應請

旨飭令馳驛回京供職。到京後再候。

聖裁任使。庶事機不致外揚。而人心亦藉資鎮定。

諭軍機大臣等。袁甲三奏北路軍務緊要。請飭帶兵大員回京等語。逆夷自攻奪大沽礮臺後。占踞天津。命桂良等前往議撫。迄無成說。現已帶兵直逼京城。僧格林沁等兵屢挫之後。不能振作。昨已有旨調張得勝帶得力練勇前來歸勝保調遣。諒已迅速啟程。穆騰阿幫辦軍務。現在督攻定遠。正當得手之際。若再行他調。誠恐該匪乘虛竄出。又費周章。該都統著無庸來京。惟當督率兵勇。迅克堅城。擒斬渠首。以慰朕懷。

戊寅。

諭軍機大臣等。本日據義道等聯銜具奏。權濟艱危。以維大局。一  
摺。據稱恭親王奕訢。辦理撫局。漸有端緒。惟恐心不堅定。或有  
遷避之意。則撫局又裂。該夷勢必帶兵直趨木蘭。請飭奕訢。仍  
駐城外。妥辦撫局等語。恭親王奕訢。總朕特派辦理撫局。責無  
旁貸。前有硃諭。令其身心安辦。如或不成。即督兵勦擊。昨復諭  
令相機辦理。朕亦不為遷制。總期撫局達成。朕即可及早回鑾。  
鎮定人心。並保全億萬生靈之命。諒恭親王必能領會朕意。竭  
力圖維。不至輕為遷避。至該王大臣等。辦事守城。是其專責。現  
在夷氛逼近。總須嚴密布置。同心協力。保守城池。不得觀望撫  
局。致生疏懈。

又

諭前有旨諭知僧格林沁飭令烏蘭都統帶西安馬隊星夜前赴熱河隨扈。現在勝保在京防勤。兵力較單。該副都統無論行抵何處。卽帶領全隊迅行折回。直赴京師。歸勝保調遣。以資堵剿。毋得稍有耽延。是為至要。

欽差大臣科爾沁親王僧格林沁奏本月十四日承准軍機大臣密寄八月十二日奉

上諭該夷雖未大隊攻撲。遷延日久。自必更生詭計。撫局自宜早定等因。欽此。查該夷駐兵三間房等處。逐日窺探。十二日馬步千餘名。至朝陽門外東嶽廟一帶。督當卽分兵兩路。俟其

攻城。從後抄襲。彼此列隊。兩時之久。該夷撤隊退回。並未接仗。十四日。該夷在朝陽門外。石路迤北。窺伺東直門道路。等嚴陣以待。該夷並未前進。亦未交兵。揆度該夷多日。並未攻城者。係大礮未到。又因顧惜吧嘎噠等。現在若一面起緊議撫。前定各條。稍有加增。亦能俯准。一面恩待吧嘎噠等。令其轉圜。或有補救。城池不破。

宗廟

社稷。以及億萬生靈。均可保全。若再事遲延。該夷不顧吧嘎噠等。勢必盡力攻城。十四日。該夷給恭親王照覆。仍索要吧嘎噠等。並仍欲將國書親呈。

御前若不依從。卽日便要攻城等語。其一切詳細。恭親王自必鈔錄照會奏。

聞。至孝所帶馬步官兵。卓索圖盟。歸化城。吉林。黑龍江。馬隊潰散極多。直隸提標。宣化。通永。山西。大同。步隊潰散十之七八。京旗各營官兵。屢次挫失。心膽已寒。瑞麟。勝保所帶之兵。現存無多。綿勳。伊勒東阿所帶官兵。雖係一萬。槍箭刀矛。馬能抵敵。礮火。現在人心渙散。難以收拾。設有疏失。勢將全行潰散。此等情形。實因孝督兵不加調度。無方誤國之罪。百身莫贖。至續調三盟官兵。無人管帶。孝自當遵

旨。在

乾清門侍衛內。揀派一二員前往管帶。惟舒明安等均係屢次帶隊挫敗之人。雖經派往。恐不得力。可否於隨

扈侍衛內。

簡派之處。伏候

聖裁。再。督前飭副將烏忠阿。將宣化營礮位。運往古北口。業經附摺陳明在案。現又飭派署通永鎮總兵海綬。將營城大小礮位。趕緊運往。以資防守。

硃批。知道了。力挽撫局。已屢諭恭親王矣。至管帶蒙古兵之侍衛。著無庸由軍營派來。

山東巡撫文煜奏。竊臣承准軍機大臣密寄。八月初五日

奉

上諭夷人以議和為名。由津至通。節節進逼等因。欽此。該夷此次  
求和已蒙

皇上派員議准。乃猶欲將夷書親呈

御覽。且堅請撤退僧格林沁張家灣之兵。任意要求。肆無忌憚。若  
不痛加剿滅。何足以張

國威。現經僧格林沁劄營八里橋。自可阻其前進。仰蒙

皇上廩念海疆。誠恐夷人竄擾登州一帶。飭臣加意嚴防。臣查煙  
臺前泊夷船五十餘隻。自六月內分起北駛。後節據登州  
鎮道府縣咨稟。或有一二隻從西北來。或有一二隻從西



北去。此來彼往。至今尚存二十二隻。內有八月初四日從西北大洋駛來夷船一隻。內起出夷兵百餘名。俱各受有傷痕。自係在通州被擊敗。回來此休息。臣思該夷數月以來。不在山東挑釁者。其意專注天津。以煙臺為退步耳。今其志既不得逞。而又少挫光鋒。難保不存失之於彼。收之於此之想。誠如

上諭。不可不加意嚴防也。遵卽咨登州鎮道。轉飭沿海文武官弁。嚴密偵探。前往天津夷船。如果退回煙臺。伏而不動。自宜照前防範。並密拏奸匪。嚴斷接濟。以清內患。如該夷敢於尋釁。當卽遵

旨撥兵迎擊。勿令竄擾地方。以仰副

聖主淳諄告戒之意。

硃批知道了。

己卯。

欽差大臣恭親王、大學士桂良、戶部左侍郎文祥奏。竊臣等於十  
二日。接到該夷照覆。業於十四日。將辦理棘手之處。奏明  
在案。拜摺後。復接該夷照會。據稱。三日之期已迫。並言明  
日如不送回。卽行攻城。臣等仍給與照會。並設法將吧嘎  
噠提出。於德勝門內高廟暫住。並派成琦帶兵防守。仍以  
禮相待。並令恆祺。透澈開導。令其寫漢字信函。勸令退兵。

後。卽將伊放回。仍密飭成琦。萬一該夷攻城緊急。卽遵

諭旨。將吧嘎禮等。立時正法。其刑部及各縣監禁夷匪。亦傳知刑部。順天府。行知各縣。一併按此辦理。惟連日接據探報。夷人結隊至廣渠門。朝陽門。一帶窺伺。並據僧格林沁報稱。夷人運六七十斤大礮。已於前日抵通。並有雲梯數船。絡繹前來。自八里橋直至通州迤南。夷人皆占踞我兵帳房。連營數十里。探報亦幾至不通。而僧格林沁。及瑞麟所帶之兵。敗衄之餘。為數甚少。率皆疲餒不堪。城內守具本未豫備。倉猝之間。無從下手。守堵之兵。人無鬪志。大約一聞礮聲。立時驚潰。戰守兩者。皆不足恃。臣等伏念

京師為根本重地。天下大局攸關。設有疎虞。必致全局瓦解。惟有殫竭血誠。力圖挽救。儻邀

聖主福庇。尚有一綫可為。不惜委曲遷就。以期轉危為安。至於局外議論。時勢至此。斷不略計及也。抑臣等更有請者。古北口一帶。關繫緊要。現聞該處結隊陸續北探。復向沿途民人詢問京北路徑。心殊叵測。且有僧格林沁等所部潰逃兵勇。在京北一帶。沿途搶掠。道路幾至梗塞。應請

旨飭下古北口提標各兵。扼要嚴守。以備不虞。再自初八日以後。人心渙散。呼應不靈。各處辦公人員。半多星散。以致一切差委。均難應手。焦急實深。合併附陳。

諭軍機大臣等。昨據恭親王奕訢等奏。夷務緊急情形。當諭令相  
機辦理。朕亦不為遙制。總期撫局早成。朕即可及早回鑾。鎮定  
人心。諒恭親王等必能領會朕意。妥為辦理。本日據恭親王等  
奏。撫局難成。現仍竭力挽回一措。夷人運送大礮雲梯。顯係欲  
為攻城之舉。城內外兵力疲餒。戰守皆無足恃。京師為根本重  
地。儻有疎虞。大局何堪設想。據該夷照會。無非欲送還吧嘎禮  
等。始肯罷兵。轉圜之機。在此一綫。該夷如肯遵照恭親王等所  
給照會。退至張家灣一帶。酌定適中之地。定期各派委員。將在  
津續定條約。蓋印畫押。將吧嘎禮等送回。固屬甚善。如必不肯  
遵行。或並無照覆前來。不必待其進攻城池。莫若即將所獲吧

首等。全行送還。以示大方。尚可冀其從此罷兵換約。不值為此數十夷醜。致令億萬生靈。俱遭塗炭。至親遞國書一節。及該夷照會。有不盡此禮。則國書不便呈上。及向未列入。準此動兵之議等語。似該夷不至為親遞國書。所議不合。再致決裂。一切相機行事之處。卽著恭親王等。斟酌辦理。無待朕詳為指示也。

欽差大臣協辦大學士湖廣總督官文。湖北巡撫胡林翼奏。竊等前聞。嗾啼夷眾。有遊行天津各海口之說。竊慮犬羊無厭之求。中懷叵測。我

聖主思同履薄。自必曲示懷柔。俾知向化。詎日來風聞該夷首肆志跳梁。竟欲盤踞津門。等聞信之下。憂憤填胸。目皆欲

裂伏思

京師為天下根本。津門為都邑屏藩。豈容該逆逞志。鴟張肆行無忌。亟宜攝以兵威。肅清內地。等封疆任重。恨不克提師馳往。共滅朝食。查刻下淮北軍務。固形喫重。究屬堂室以外之患。且彼處馬步各軍。已有袁甲三。穆騰阿。李若珠等。統帶堪資調度。較之直隸夷務。情形似覺稍鬆。自應先其所急。上行。

九重宵旰。以張撻伐之威。等等擬即派都興阿。酌帶馬隊四百名。星夜馳往。僧格林沁大營。以備攻勦。都興阿久歷行陣。瞻識俱好。兼於北路情形。甚為熟悉。可期有裨。如蒙

聖恩俯如所請。等即飛飭都興阿遵照一面選派隊伍。裹帶行糧。剋日進行。並咨河南直隸各督撫一體催趨。不准片刻遲延。等不勝迫切侍

命之至。

諭軍機大臣等。本日據官文等奏探聞。夷人竄擾天津。擬派都興阿統帶馬隊入援一摺。嗚呼。兩夷自占踞天津之後。朕命大學士桂良等。疏撫未成。現已帶兵直犯京師。劄營城外。勢甚猖獗。朕於八月初八日。舉行秋獮。駐蹕熱河。京中雖有多兵。俱係未經戰陣。該大臣等。統請派都興阿來京。即著統帶馬隊四百名。星夜前來。歸僧格林沁大營。以備攻剿。湖北營中練勇。尚稱驍



健善聞。並著官文等。挑選一二十名。另派得力將弁。統帶迅速赴京。聽候調遣。所有軍火兵械餉需。均著一律備齊。毋得遲誤。

又

諭。唉。嗚。兩。夷。奪。我。大。沽。礮。臺。之。後。大。肆。猖。獗。現。已。帶。兵。直。犯。京。師。劉。營。城。外。勢。甚。兇。悍。朕。於。八。月。初。八。日。舉。行。秋。獮。駐。蹕。熱。河。京。中。雖。有。多。兵。俱。係。未。經。戰。陣。亟。宜。厚。集。兵。力。以。靖。逆。氛。著。玉。明。統。帶。精。兵。馳。赴。熱。河。護。駕。所。有。軍。火。器。械。餉。需。均。著。一。律。備。齊。星。夜。前。來。毋。得。遲。延。干。咎。玉。明。啟。程。之。後。將。軍。事。務。著。倭。仁。兼。署。

又

諭。吳。偉。兩。夷。奪。我。大。沽。礮。臺。占。踞。天。津。朕。派。大。學。士。桂。良。等。前。往。議。撫。未。有。成。說。該。夷。現。已。帶。兵。直。犯。京。師。剽。營。城。外。勢。甚。猖。獗。朕。於。八。月。初。八。日。舉。行。秋。獮。駐。蹕。熱。河。京。中。雖。有。多。兵。俱。係。未。經。戰。陣。亟。宜。厚。集。兵。力。以。靖。逆。氛。著。成。凱。統。帶。精。兵。馳。赴。京。師。合。力。攻。勦。保。衛。城。池。所。有。軍。火。器。械。餉。需。均。著。一。律。備。齊。星。夜。前。來。毋。得。遲。延。干。咎。成。凱。起。程。之。後。綏。遠。城。將。軍。著。德。勒。克。多。爾。濟。署。理。

又

諭。吳。偉。兩。夷。奪。我。大。沽。礮。臺。占。踞。天。津。朕。派。大。學。士。桂。良。等。前。往。議。撫。未。有。成。說。該。夷。現。已。帶。兵。直。犯。京。師。剽。營。城。外。勢。甚。猖。獗。

朕於八月初八日舉行秋獮。駐蹕熱河。京中雖有多兵。俱係未經戰陣。亟宜厚集兵力。以靖逆氛。著文煜。迅即統帶精兵。馳赴京師。合力攻勦。保衛城池。所有軍火器械。餉需。均著一律備齊。星夜前來。毋得遲延干咎。文煜起程之後。山東巡撫。著清盛署理。布政使員缺。著文煜派員署理。

又

諭。張擘兩奏。奪我大沽砲臺。占踞天津。朕派大學士桂良等前往議撫。未有成說。該奏現已帶兵直犯京師。劄營城外。勢甚猖獗。朕於八月初八日。舉行秋獮。駐蹕熱河。京中雖有多兵。俱係未經戰陣。亟宜厚集兵力。以靖逆氛。著慶廉。迅即統帶精兵。馳赴

京師合力攻勦保衛城池。所有軍火器械餉需均著一律備齊。星夜前來毋得遲延。干咎慶廉起程之後河南巡撫著賈臻署理。布政使員缺著慶廉派員署理。至前有旨令慶廉調撥練勇並得力將弁來京著一併迅速帶赴京師以資助勦。所有該省勦匪事宜著交毛昶熙督辦。

又

諭吳淞兩夷奪我大沽礮臺占踞天津朕派大學士桂良等前往議撫未有成說該夷現已帶兵直犯京師剽營城外勢甚猖獗朕於八月初八日舉行秋獮駐蹕熱河京中雖有多兵俱係未經戰陣亟宜厚集兵力以靖逆氛著樂斌迅即統帶精兵馳赴

京師合力攻勦。保衛城池。所有軍火器械餉需。均著一律備齊。星夜前來。毋得遲延。干咎。樂斌起程之後。陝甘總督。仍著林揚祖護理。

又

諭。嗾。啖。兩。夷。奪。我。大。沽。礮。臺。占。踞。天。津。朕。派。大。學。士。桂。良。等。前。往。議。撫。未。有。成。說。該。夷。現。已。帶。兵。直。犯。京。師。劉。營。城。外。勢。甚。猖。獗。朕。於。八。月。初。八。日。舉。行。秋。獵。駐。蹕。熱。河。京。中。雖。有。多。兵。俱。係。未。經。戰。陣。亟。宜。厚。集。兵。力。以。靖。逆。氣。著。英。桂。迅。即。統。帶。精。兵。馳。赴。京。師。合。力。攻。勦。保。衛。城。池。所。有。軍。火。兵。械。餉。需。均。著。一。律。備。齊。星。夜。前。來。毋。得。遲。延。干。咎。英。桂。起。程。之。後。山。西。巡。撫。著。常。績。署。

理○布政使員缺○著英桂派員署理○

籌辨夷務始末卷之六十三